

लागा नहीं शब्द रा तीर,
जिनके बाण लग्या गुरु गम रा,
मार लिया मन मीर,
फकीरी लागा नही शब्द रा तीर ॥

आठों ही पोर दुनिया ने लूटे,
सुख भोगे शरीर,
आठो पहर माया से यारी,
बन बैठा पंच पीर,
फकीरी लागा नही शब्द रा तीर ॥

भगवा रंगिया मन नहीं रंगिया,
चूट रया सब वीर,
एक घर छोड़ असंग घर पकड़िया,
नहीं बुद्धि नहीं धीर,
फकीरी लागा नही शब्द रा तीर ॥

भीतर में है कर्मों रा कीड़ा,
बाहर होयो फकीर,
ए तो हाल फकीरा रा झूठा,
काई करोला थे जीर,
फकीरी लागा नही शब्द रा तीर ॥

धिन सुखराम मिलिया गुरु पूरा,
योगी मस्त फ़कीर,
विकट खेल खेले कोई शूरा,
ईसर रहणा सदीर,
फकीरी लागा नही शब्द रा तीर ॥

लागा नहीं शब्द रा तीर,
जिनके बाण लग्या गुरु गम रा,
मार लिया मन मीर,
फकीरी लागा नही शब्द रा तीर ॥

गायक श्यामदास वैष्णव ।
प्रेषक रामेश्वर लाल पँवार, आकाशवाणी सिंगर ।
9785126052

Source: <https://www.bharattemples.com/laga-nahi-shabdo-ra-teer-bhajan/>



Bharat Temples

Complete Bhajans Collections - Download Free Android App
<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>